



UNIVERSITÄTS-
BIBLIOTHEK
PADERBORN

**Nicolai Sanderi Angli Doct. Theol. De Origine Ac
Progressv Schismatis Anglicani Libri Tres ...**

Sander, Nicholas

Coloniæ Agrippinæ, 1610

Mors Christophori Hattonis, Cancellarij Regij. Cap. IX.

[urn:nbn:de:hbz:466:1-64680](https://nbn-resolving.org/urn:nbn:de:hbz:466:1-64680)

lerat, spoliatus fuit. Sunt & alij non pauci Puritanæ sectæ concionatores, qui ex Anglia in Scotiam transfugientes, contra Reginam, illius administrationē, & sectā Calumnisticā librum procuderunt. Quæ cum ita sint, tantæque dissensiones, odia, & inimicitia, inter Sectarios flagrent, ita vt etiam libri atque adeò Prophetæ Reginam impugnent: vnicuique pro suo libitu viuere cōceditur, soli autem Catholici tanta cum barbarie & immanitate, sicut ex historia isthac liquet, incarcerantur, excarnificantur, & cōtrucidantur.

*Mors Christophori Hattonis, Cancellarij
Regij.*

CAPVT IX.

Tres illos Puritanos Pseudopphetas Teo quo diximus modo è medio sublato Christophori Hattonis Cancellarij Regij, in quem illi potissimum inuecti erant, eodem anno decimo septimo Octobris die, Mors secuta est. Hic Hatton cum adolescens adhuc insignis formæ & elegantia, suas in Comœdia partes pulcherrimè coram Regina egisset, illa subito pueri amore capta, seruitio suo adlegit, paulatimque maioribus præfectum officijs, tandem in ea, quæ post Reginā maxima erat, dignitate collocavit. Sacris ergo Scrinijs præpositus, ac socijs suis aliquāto moderatior, animo Catholicus, nihil perinde, quam innocentem illorum sanguinem adeò crudeliter profundi dolebat. Verum cū Reginæ voluntati in omnibus morigerari se-

mel constituisset, neq; veritatem dicere, neq;
 reliquis consiliarijs nostræ religionis capita-
 libus inimicis aduersari audebat. Habet nam-
 que & nostrum hoc sæculum in aulis Princi-
 pum istiusmodi mortales, qui actiones suas,
 bona vel mala fautorum amicorumque suo-
 rum voluntate, non autem iustitia & ratione
 metientes, & Principum fauorem gratia di-
 uinæ præferentes, extra omnem se culpâ esse
 arbitrantur, quia nimirum tacitè eâ non pro-
 bant. Verùm qui malum facit, qui que in id
 contendit, eandem poenam promeretur &
 sæpenumerò veritatem non dicere, est apud
 Deum illâ vèdere & prostituere. Porrò Hat-
 ton ille prædiues cùm matrimonio se copu-
 lare, hæredesque tantarum opum relinquere
 decreuisset, nunquam ei Regina consentire
 voluit. Ob quam deinde causam, & propter
 ea, quæ diximus ab æqualibus miser & infœ-
 lix censebatur: tamen si vulgus hominum e-
 ius autoritate præstrictum, fortunatum il-
 lum existimaret. Visitauit illum decumben-
 tem Regina aliquoties, & quamuis diligenti-
 simè eum curari præcepisset, nequaquam ta-
 men morti (quæ veneno conciliata videba-
 tur) eum subtrahere potuit, quem admodum
 neque nunc ex inferno liberare.

Memini ego potissimū in hac historia Co-
 mitis Lecestriæ Valsingami & Hattonis, quod
 nimirum primarij Reginæ consiliarij, ac in-
 timi amici fuissent. Ad cuius vt etiam bene-
 uolentiæ auram melius velificarentur, Sæ-
 ctam nostram religionem aut impugnaverunt
 tanquam crudelissimi eius inimici, aut non
 defen-

defenderunt, tanquam falsi fictique amici. Discat mihi ab istis Regum ministri & familiares, quomodo primùm Deo, à quo ea in dignitate constituti sunt, ac deinde Regibus suis morigerari debeant. Discant cōscientiæ, Iustitiæ, & publicæ trāquillitatis rationē habere. Discat ex alienis successib. quid sibi cōtingere possit. Discat ex aliena miseria, vanitate, & prosperitate, momētanea sua gaudia metiri: quò talē vitā degant, vt ea expleta & absoluta, eorū pariter foelicitas nō finiatur.

Edictum à Regina contra Sacerdotes & Catholicos promulgatum. Eorundem mortes.

CAPVT X.

Decimo septimo Octob. die, Cancellario è rebus humanis euocato, sequenti statim die, à Regina contra Catholicos edictum promulgatum est, omnium eorum quæ hactenus prodierunt crudelissimum ac lōgè acerbissimum. Cùm enim dictus Cancellarius animo Catholicis faueret, eius publicationē, vt crudelē hactenus inhibuit; ac ne id à Vvillhelmo Cicilio supremo Quæstore, illius auctore publicaretur, neue is tantum auctoritatis eo in regno habere videretur, sollicitè præuidit. Simul ac itaque Cancellarius humana destituisset, Cicilius solus ad gubernacula sedens, conceptam diu immanitatem euomitutus, edictū suū iussit publicari. Quod quia ad eò acerbūm, Barbarū, crudele, & mēdacij refertū est, tūm quòd nonnulla cōplectitur, quæ ad huius historiæ continuationē & cōplementū faciunt, inferius id ponemus, Simul-